

مرند اۆيکو

Mərənd öykü



ديغير دول

يازار: حسين واحدي

Web address: www.marand-oyku.arzublog.com

Facebook: www.facebook.com/marandoyku

Email: rezaaydin491@yahoo.com

دیگیر دول حسین واحدی

اوغولوم آراز، «آتا، آتا، گل منی پارکا آپار، چرخ سوروم.» دئییب، زور ایله بیلگی سایارین باشیندان آیردی. اینترنتدن چیخب، بیلگی سایاری سؤندوروب، آرازلا بیرگه «ائلیمیز» پارکینا گئتدیک. پارکین کوچه میزدن ایکی خیوان آراسی وار ایدی. او آرانیدا آراز چرخ سورهرک پارکا چاتدیق. گئدیب پارکین بؤیوک حوضونون یانینداکی صندلده اوتوروب، آرازین چرخ سورمه سینی ایزله دیم. اونو تمامیش دئییم: آرازین یئددی یاشی واردیر.

آراز حوضون یانیندان اوزاغا گئتمه یرک اورالاردا فیرلانیردی. گؤزومو بویان-اویانا آتیب اورا گلنلره باخدیم. بیر دیزی اوستو بیلگی سایار ایله باشین قاتمیشدی. بیر کتاب اوخویوردو. بیر سئوگیلیسی ایله دانیشیردی و.... آراز ایسه سئوگی ایله چرخ سوروردو.

اونلارا باخا-باخا اؤز اوشاقلیغیم گؤزلیریمین قاباغینا گلدی. کوچه ده یئددی داش، پیله دسته، شعبه-شعبه، زو-زو، ... اویونلارین اوینایاردیق. او اویونلارین یانیندا ان چوخ سئوادیگیمیز باش قاتما «دیگیر دول» ایدی. کوچه میزده یئددی-سگگیز ائو وار ایدی. هر یئر تورپاقلیق ایدی. اون یولداش ایدیق. آنجاق، یالنیز اوچوموزون دیگیر دولو وار ایدی. او اوچ نفرین، بیر ده من ایدیم. یولداشلاریمین ایچینده «بایرام» ایله هامیدان چوخ صمیمی ایدیک. آتا-آنالاریمیز قویسایدیلار گئجه نی ده کوچه ده دیگیر دوللاریمیزلا اوینایاردیق. دیگیر دول بیزه تکجه چرخین بیر تکرر دگیلدی. او، دنیا ایدی بیزیم اوچون.

گونلرین بیرینده، یئنه دیگیر دول یاریشی قویموشدوق. ساعاتلارچا اوینایاندان سونرا بایرام ایلکین اولدو. پول ییغیب بیله سینه کانادا آلدیق. اوست-باشیمیز بوتون توز-تورپاق اولوب آلتیمیزدان تر سوزوردو. آنجاق، دیگیر دول سورمکدن دویمایاراق، یئنه اویناماقدان ال چکه بیلمه بیردیک. گون باتیب، آی گلیمیشدی. اوزاقدان بیر کیشی بیزه ساری گلیردی. بیزه یاخینلاشاندا آتامدیر گؤردوم. گؤزلی باشینا چیخمیشدی. یاخینما گلیب، «هئج بیلیرسن ساعات نئچه دی؟ نه زامان ائوه دؤنه جکسن؟ گل جهنم اول گؤروم!»-دئییب، قولومدان یاپیشیب سوروتله یه-سوروتله یه، ائوه ساری آپاردی. بیر الیم ایله دیگیر دولومدان یاپیشمیشدیم. یاری یولدا آتام دیگیر دول باخیب الیمدن آلیب، گوجو وارکن تولازلادی. روحوم بدنن آیریلدی، ساندیم. آغلایما باشلایب، «آتا، نه دن آتدین؟ قوی گئدیم گتیریم. سن آلا!»-دئییب دیگیر دول ساری قاچماق ایسته دیگیمده، آتام یئنه الیمی توتوب قولاییمین دبین قیزدیردی! سونرا یئنه قولومدان یاپیشیب ائوه آپاردی.

اڻوده، شام يئمه‌ميش ياتديم. صبح آتام ايشه گڻندن سونرا، کوچيه گنديب، هر يئري آختارديم، آنجاق، ديغير دولومو تاپا بيلمه‌ديم. اڻوه ساري قاييتديم. يولدا، اوشاقلار اويناماق اوچون مني ده چاغيرديلار. آنجاق اونلاري سايماييب، اڻوه گڻتديم.

آنام نه قدر، «نه اولوب؟ نه دن توموبسان؟ كيمله ساواشييسان؟ ...»-دندي. هئچ زاد دئمه‌ديم. اوتاغا گنديب، ديزلريمي قوجاقلاييب، سس‌سيزجه آغلاماغا باشلاديم. اوره‌گيم پارتلاماق ايسته‌ييردي. بيلميرديم نه ائدم. گئجه-گوندوزوم الدن گڻتميشدي. دونيادا ياشاماق ايسته‌ميرديم. ايكي گون بئله كئچيب، گڻتدي. آنام گليب، ديله توتماق ايسته‌دي. بوغازيم پارتلاييب، آغلاماغا باشلاديم. آنام باغرينا باسيب، «ياشار بالام نه اولوب سنه؟ دئ گوروم آنانا»-دندي.

اوره‌كدن آه چكيب، «آنا، ديغير دولوم! آنام ديغير دولومو ائشيگه آتيب. من ديغير دولومو ايسته‌ييرم.»-دندي. آنام ايسه باشيمي تومارلاييب، «اولسون، بير دنه آيريسيئي تاپاريق.»-دئييب، اوره‌گيمي يوموشالتمايا چاليشدي.

بير يئدديجه ديغير دولومو ايتيرديگيمدن كئچميشدي. نئچه سفر بايرام قاپيميزا گلميشدي، آنجاق يئنه ائشيگه چيخماميشديم. اوره‌گيم چوخ داربخيردي. گون اورتا ايدي. حيه‌طده اوتوروب جوجه‌لرime دن وئيرديم. بيردن قاپينين ايشگيلي آچيلدي. آتام ايدي. آياغا قالخيب سلام وئرديم. ياخينيما گليب، اوزومو اؤيدو.

-منيم گؤزل اوغلوم، سنه بير زاد آلميشام. بوگون چرخچي احمدين يانينا گنديب اوندان بير ديغير دول آلديم. گڻت قاپينين داليندان گؤتور.

- آتاجان چوخ ياشا. سني چوخ سئويرم. سؤز وئيرم ياخشي اوشاق اولام!

- سن ياخشيسان. لاپ ياخشي اولاجاقسان انشاللاه!

سئوينه- سئوينه كوچه قاپيسيئي آچيب ديغير دولو گؤتوروب بايرام‌گيلين قاپيلارينا ساري گڻتديم. گؤيلرده اوچوردوم. بايرام قاپيلاريندا تڪ باشينا اوتورموشدو. مني گوردوگونده ديغير دول باخيب او دا سئويندي. ايكيميز ده، ديغير دوللاريميزي سوره-سوره ديغير دول ميدانينا گڻتديك. ساعاتلاري بيلميرك، گونشين ساغ‌اوللاشما چاغيناجان، هئچ داينمادان، اويناديق. گونش بالا-بالا داغين داليندا گيزلنيردي. بيز ايسه دونياميز ديغير دول‌دادير دئيه هله ده اوينايرديق ...

اوشاقلق خاطره‌لريمده ياشاماقدان، آيريلماق ايسته‌مزديم، آنجاق، آرازين بير داه، «آتاجان» سسي ايله پاركا قاييتديم! آراز، «آتا، من دوندورما ايسته‌ييرم.»-دئييب، اليمي توتدو. آياغا قالخيب، دوندورماچي يانينا گنديب، اوشاقلغيمدان ايسه آيريلديم...